

丙編政治

卷一行政 卷二職官

卷三教育 卷四財賦

卷五交通 卷六衛生

卷七兵事 卷八自治

警甲司法均附卷一

黎樹縣志

臧式毅
題



黎樹縣志丙編

政治

在昔開闢未久土曠人稀凡一邑民刑庶政悉由縣令主之其佐治掾屬僅供臂指而已近代以來社會發達事務殷繁一人統治實難兼顧於是地方行政由總司添設分司由官治推及自治系統各異職責不同其爲謀公共之福利則一也如國稅司法早劃出而分立警學財政已部署爲專責分職任事各有考成時勢遞嬗演進無已茲述其變通之迹以覘今昔之政治焉志政治



丙編政治卷二

行政

縣政府

自清道光元年設黎樹城分防照磨廳修有照磨衙門

即後典史署

歸昌圖同知管

轄光緒四年改設縣治定名曰奉化錢開震初宰斯邑創修縣署署內設有六房曰吏戶禮兵刑工分曹任事承辦案卷每房設經書一人綜任一房事務房書無定額經書五年爲任期任滿考取吏職以爲仕進之初階六房外設三班曰馬壯皂分任逮捕案犯傳喚訴訟看守獄囚遞解流徒人犯等事每班設總役數人輪月值事班役無定額光緒三十三年變更舊制裁去六房併爲行政執法統計會計四科每科設科長一人科員一人僱員四五人撤去三班改組

司法巡警所有民刑訟案統歸執法一科辦理民國二年六月裁執法科設立
審檢所所有訟案盡歸審檢所辦理其餘統計行政會計各科改爲一二三科
每科設科長一人科員一人僱員四五人是年八月裁去第二科僅留一三兩
科三年一月又復併爲一科設科長一人科員二人僱員九人是年三月一日
改奉化縣曰梨樹縣

緣與浙江奉化縣名相同浙省設治在先故存彼而易此

並裁審檢所又添設司法科

委承審員一人辦理民刑訴訟十四年司法公署成立裁司法科餘如前制十
八年四月改爲縣政府歷任邑宰姓氏詳職官

附典史署

典史署設於縣署西院係照磨舊署建於道光元年歷時既久房屋傾圯光緒
五年重行修築署內設一房一班房內設經書一人房書無定額班內設總役

二人班役數人專司管守監獄暨補助縣署一切政務民國二年奉令裁撤歷任典史姓氏詳職官

交涉佐治員

縣境南跨南滿路線四平街郭家店兩驛自國體變更後人心浮動盜匪潛踪驛內陰謀不軌者往往有之兩驛之交涉因是日繁民國二年春經王令士仁呈請省交涉署由公主嶺交涉局添設郭家店分局一處辦理本邑交涉事宜局內設委員一人巡官一人警兵十名所需經費由地方款月撥小洋一百二十元餘由嶺局支給民國五年六月黃令祖安到任呈准裁撤嗣於十六年經臧令爾壽呈請由縣委任交涉佐治員一人駐四平街市佐理本邑交涉事務今仍舊

歷任交涉佐治員姓名表

李筠薌 民國十五年任

畢贊華 民國十八年任

徐家瑞 民國十九年任

財政局

自光緒二十八年十月創設警察局擇委士紳趙廷瑞主其事名曰局董兵分五哨每哨五十人分駐城鎮以買賣糧捐充作經費由局經辦收支光緒三十二年擴充警額分布各區爲籌的餉按畝收捐歸巡警局局董總其大成設四路分局分任職務宣統元年捐警劃分始設地方收捐處改局董爲收捐總董處內設文牘會計各一人書記無定額以馬警二十名催收捐款年分兩季繳

納民國三年經省議會議改收捐總董爲自治委員由地方各機關首領選舉縣署委任呈報財政廳備案餘仍舊額八年七月奉廳令地方財政統一所有畝雜各捐均由處徵收裁撤催捐馬警添用催員數人令捐戶自行到處封捐一次繳足九年十月收捐處歸併縣署改爲地方公款處由縣知事保薦三人呈財政廳擇委一人爲公款主任處內設稽核文牘會計各一人僱員十餘人十八年七月奉令改組爲財政局用複選法選定三人由縣送財政廳考試取錄一人委爲局長局內分設兩課設課長二人課員二人僱員十七人夫役三名經徵地方一切捐款縣境四平街榆樹台三江口郭家店市面繁盛各設分局一經徵各種雜捐分局內各設僱員一人巡差一名總分各局年支經費現洋一萬零二十四元茲將歷任主管捐務人員姓名表列於後

歷任總董委員主任局長姓名表

收捐總董趙廷瑞

德軒

光緒二十八年冬由縣委充警察局董宣統元年改爲

收捐總董民國三年改爲自治委員八年七月去職

自治委員王清海

熙臣

民國八年由地方各機關首領選舉縣署委任呈財政

廳備案九年十月收捐處歸併縣署去職

公欸主任王伯勳

濟安

民國九年十月由縣揀選三人呈報財政廳擇委十一

年十月去職

公欸主任王清海

熙臣

民國十一年十一月由縣揀選三人呈財政廳擇委十

五年連任十八年八月公欸處改爲財政局去職

財政局長陳述文

民國十八年七月由各區選送經財政廳考取委任八

月一日任事二十年三月去職

財政局長李東圃

止愆

民國二十年三月選舉送廳考試委任三月六日就職

教育局

光緒三十三年七月經知事陳嘉言奉文創設勸學所借用收捐處房屋爲教育行政機關之始設勸學總董一邑紳李溶充之所內設勸學員四文牘會計各一書記二宣統元年添設縣視學一三年二月改總董爲勸學員長民國元年勸學所遷移儒學舊署嗣改爲教育公所勸學員長改稱教育所長三年復遷城隍廟院內四年省派縣視學駐所視察全境教育五年五月復勸學所原名十二年仍改稱教育公所勸學員改爲事務員辦公各員沿用舊制十八年春改爲教育局內部組織局長一縣督學一課長二課員二教育委員四書記

四茲將歷任局長督學姓名表列於後

歷任總董所長姓名表

李 溶 澤普 黎樹人 光緒三十三年七月任 民國元年四月去職

張作霖 葆華 黎樹人 民國元年四月任 三年二月去職

李壽華 封五 黎樹人 民國三年二月任 五年五月去職

張葆華 原名作霖 黎樹人 五年五月復任 十三年三月去職

岳維川 峻五 黎樹人 民國十三年三月任 十九年十月去職

艾錫元 仲彝 潘陽人 民國十九年十月任 二十年十二月去職

歷任縣視學姓名表

許香圃 義縣人 民國四年一月任 六年六月去職

溫允恭

子敬

錦縣人民國六年七月任八年六月去職

孫耀祖

廼武

遼陽人民國八年七月任九年二月去職

谷正昀

白石

遼陽人民國九年三月任十一年七月去職

鄧長齡

壽岑

遼陽人民國十一年八月任十三年七月去職

姜廷訓

式穀

安東人民國十三年七月任十五年三月去職

劉恩瀾

砥中

遼陽人民國十五年三月任十六年八月去職

盛春溥

博如

遼陽人民國十六年八月任十八年五月去職

于學中

可權

昌圖人民國十八年五月任二十年五月去職

關桂瀛

仙舫

綏中人民國二十年五月任

公安局

梨屬在未設縣治以前僅由昌圖廳設分防照磨於梨樹城並於萬發街小城子一帶派駐捕盜營兵數十名千總外委各一員分司緝捕土匪之責於時地廣民頑盜風日熾東南接壤吉林邊防尤難鬆緩雖有三盟及吉林各客隊駐紮廳屬地方馬隊四五百名然以兵力單薄終有鞭長莫及之患故省憲於光緒三年奏請昌圖升府懷奉設縣境內並請另添捕盜營馬隊二百名交昌圖府分撥調遣以資鎮壓本邑裁撤千總留駐外委二員捕兵七十名分駐榆樹台小城子兩鎮七年添設康平縣經省憲奏准懷奉康三縣各設把總一員外委一員兵六十名著爲定額劃小城子鎮及萬發街一帶爲把總汛地榆樹台鎮及啦嗎甸爲外委汛地統歸知縣管轄餉乾由昌圖府庫斗租項下支領革補兵士詳府憲備案二十六年拳匪肇亂地方不靖捕盜營不敷分遣就地方

團練抽編馬隊二百五十人名安遠營編爲五哨分駐城鎮以襄捕務餉糈以期糧捐款充之是爲地方設有捕盜安遠各營之由來也二十七年省憲變更兵制裁去把總外委改捕盜營爲巡捕隊營官駐在縣城哨官長分駐榆樹台小城子兩鎮二十八年裁去巡捕隊改設警察設警察總局於城內以安遠營改編警察隊警額餉源仍舊其時規模未具徒有警察之名仍與地方團練無異不過化散爲整便於緝捕而已三十二年崇令廉來宰斯邑奉令重行編制改警察總局爲巡警總局延邑紳趙廷瑞太史桂爲局董總攝警察事務東南西北設四路分局各委正副局董協助辦事全縣十九社劃爲二十三區設馬步巡兵五百人編爲四路分駐城鎮鄉馬巡專司緝捕步巡分駐縣城四門專任巡邏守望等職所需經費復徵畝捐爲的款每晌地月徵小洋五分由四路

分局按月催收解歸總局管理發放是爲警察創辦之初基也三十三年陳令嘉言抵任因警費不敷將分局裁撤宣統元年省城裁併巡警道歸省民政司管轄由司訂定警務通則於八月間頒行到縣由是遵照通則初設警務長劃分捐警另設收捐處改局董爲收捐總董專辦捐務警局內設總務行政司法衛生四股每股設股員一人按全境劃爲一二三四五區每區設區官一人巡官二人馬警七十五名各於適中地點設區所一處分駐所一處城內設步警巡官二人步警一百四十名分駐於縣城四門暨縣署等處三年八月武漢起義風鶴頻警地方胡匪蠢動非厚集兵力不足以資鎮懾乃以全部馬警三分之二編爲警防隊兩營設管幫帶二人統帶之專勦胡匪留三分之一暨步警爲警察辦理警政民國元年時局平靖取消警防仍爲巡警二年警務局又遵

令設總稽察員一人是年八月由各區抽調馬警一百六十名編爲警察隊設隊長一人分隊長四人統帶之專事勦捕盜賊以期臨時敏速三年改警務局爲警察事務所改警務長爲警察所長七年爲辦理地方行政步警不敷分撥又裁馬警百名改編步警百名餘仍舊十年改劃全境爲九區設區官九人巡官十一人警察隊如前制十四年秋保甲歸併警察兼辦改稱警甲所十八年春改警甲所爲公安局警甲所長爲公安局局長局內四股改爲四課衛生課由行政兼攝之設課長三人科員六人仍按九區設分局長九人內勤局員九人外勤局員九人分所長三十三人一二等警二百六十名公安中隊四礮中隊一獨立分隊一添設大隊長管轄歸公安局長節制官兵計四百五十六名茲將歷任所長局長姓名並公安局隊官兵員額駐在地點分別表列於後

歷任所長局長姓名表

江

劉金城

宣統元年任

張

宣統元年六月任

鄭憲喬

惠卿直隸

宣統元年十月任

孫華光

緝勳安徽亳州人宣統二年三月任

金鶴祥

鳴九直隸

宣統三年八月任

胡顯廷

佐臣吉林

民國元年五月任

索景清

華岑海城人民國三年四月任

興文煥

有章撫順人民國五年十月任